

ILUARSISSUTIT

Siunnersuut 19. august 2015-imik ullulerneqartoq taarserpaat

Tunngavilersuut

Akitsuusersugassat inatsisisssatut siunnersuummut 19. august 2015-imeersumut sanilliullugu ilaneqarnissaat Naalakkersuisut siunnersuutiginiarlugu aalajangerput.

Taassuma kingunerisaanik allannguuitit, matumani aamma isertitassatut naatsorsuutigineqartunik nalileeqqinnej oqaaseqaatini ilanngunneqarput.

Inatsisisssatut siunnersuummut oqaaseqaatit

Oqaaseqaatit nalinginnaasut

1. Inatsisisssatut siunnersuutip tunngavia

Aalisakkat ikerinnarsiortut ilaasa Tunumi aalisarnermi pisarineqartut isumalluutinik atuinermi akilummik akitsuuserneqartalernissaat kiisalu qalerallit immannguaannaq suliat suliarineqangitsullu annissuinermi akitsuuserneqartalernissaat siunnersuutikkut atuutilersinneqassaaq. Marluullutik siunertaraat inuiaqtigiiit tamattaalluta aalisakkanit pisuussutitsinnit iluanaarutinik amerlanerusunik pissarsinissaannik qulakkeerinissaq.

Aalisarnerup isumalluutinik atuinermi akilummik akitsuusiiffigineqartalernissaa Akileraartarneq Atugarissaarnerlu pillugit Isumalioqatigiissitap 2011-mi isumaliutissiissummini inassutigaa. Inassuteqaatit Aalisarneq pillugu Ataatsimiititaliarsuup 2009-mi isumaliutissiissutaanik aamma Benchmarkingsudvalgip (Kalaallit Nunaanni akileraaruseeriaaseq akitsuuseeriaaserlu pillugit nunanut allanut sanilliussilluni nalunaarusiortup) 2003-mi nalunaarusiaanik tunngaveqarput. Isumalioqatigiissitaq isumaqarpoq aalisagaativut tassaasut pinngortitap pissarititai inuiaqtigiiit pigisaat.

Pinngortitap pissarititaanik atuineq aningaasarsiornikkut sapinngisamik tunngavigissaartumik pisariaqarpoq. Tamanna siunissaq ungasinnerusoq eqqarsaatigalugu inuiaqtigiiit ataatsimut isigalugit aningaasarsiornikkut pissarsissutaanerusariaqarpoq. Angusaqarfialluartumik aalisarneq isumalluutinit iluanaaruteqarfianerussaaq. Inuiaqtigiiit isumalluutinit iluanaarutit ilaannik naammaginartunik pissarseqataassapput, tassa isumalluutinik atuinermi akitsuutitigut.

Avataasiorluni raajarniarneq, qaleralinniarneq avaleraasartoorniarnerlu kisimik maannakkut akitsuusersugaapput. Akitsuusersuinerup aammattaaq aalisakkat ikerinnarsiortut aningaasarsi-ornermi soqutiginaatillit ilaannut atuutilersinneqarnissaa eqqortuusorineqarpoq, tamarmiulluta aalisakkanit pisuussutitta ilaannik taakkuninnga aalisartut atuinerminnut akiliisussanngorlugit.

Aalisakkat ikerinnarsiortut ilaannik pineqartunik aalisarnerup isumalluutinik atuinermi akili-ummik akitsuusiiffiqeqarnissaq nammassinnaassagaa nalilerneqarpoq.

Qalerallit immannguaannaq suliat suliarineqanngitsulluunniit akitsuusersornerisigut neriuu-taavoq annissuinermi akitsuut nunatsinni suliffissat, taamatullu amma akileraarutinit A-nit isertitat amerlanerulerannik kinguneqarumaartoq, tassa nunanut allanut nioqqutissiortut qa-lerallit Kalaallit Nunaanni suliarinissaat akitsuut pissutigalugu orniginerulissammassuk. Akit-suuteqaraluartorli nunanut allanut nioqqutissiortut aalisakkanik suliarineqanngitsunik annissu-inissaq ingerlatiinnarusunnerusinnaavaat. Taamaassappat akitsuut tamatumunnga taarsiullugu landskarsimut isertitsissutaassaaq.

2. Siunnersutip imarisai pingarnerit

Aalisakkat ikerinnarsiortut ilaannik Tunumi aalisarnerup isumalluutinik atuinermi akiliummik akitsuusiiffiqeqartunut ilaalernissaa siunnersuutaavoq. Aalisakkanik ikerinnarsiortunik aali-sarneq matumani pineqartoq tassaavoq avaleraasartoorniarluni, ammassassuarniarluni ammas-sanniarlunilu aalisarneq. Tunumi pisaassiifit nunat tamalaat immamik misissuisarnermut ataatsimiitaliaata (ICES-ip) aalisarfijeqqusai tassaapput II, V, XII amma XIV, imartani Ka-laallit Nunaata oqartussaaffigisaaniittut.

Aalisakkanik ikerinnarsiortunik Kitaani aalisarnerup suli akitsuusersorneqannginnissaa siun-nersuutaavoq. Tassunga pissutaavoq Kitaani misileraalluni avaleraasartoorniarnissamut, am-massassuarniarnissamut ammassanniarnissamullu tunngavissat maannakkuugallartoq nalorni-nartulerujussuunerat. Aalisarfijt tamakku, siunissami aningaasarsiutiginissaat siunertaralugu aalisarfiusinnaanerat paasiumallugu misissuiffiqeqqissaarneqartariaqarput. Aalisartut Kitaani aalisakkanit ikerinnarsiortunit isumallutissat misissuiffiqeqarnissaanni peqataajumassusiat millisikkumanagu siunniunneqarpoq tamaani aalisarneq maannakkuugallartoq akitsuusersuif-figineqassanngitsoq. Kitaani misileraalluni avaleraasartoorniarnermi akitsuut maanna atuuttoq siunnersuutikkut atorunnaarsinnejassaaq.

Taamatuttaaq siunnersuutaavoq blåhvillinnginik guldlaksinillu misileraalluni aalisarneq akitsuusersuiffiqeqassanngitsoq, taakkuninngami aalisarneq 2013-imi 2014-imilu amerlanngil-luinnartunik taamaallaat pisaqarfiusimavoq, soorluttaaq taakkuninnga aalisarneq aatsaat ineri-arthorfimminiileruttortoq.

Aalisakkanik ikerinnarsiortunik aalisarneq nutajulluinnarpoq, aalisakkanullu amerlanernut tunngatillugu suli misileraalluni aalisarnertut taaneqarsinnaalluni. Taakkunani misilitakkat ta-

kutippaat kalaallit umiarsuaatileqatigiiffiisa pisassiissutit tamakkerlugit pisarisinnaasimanngikkaat, taamaammallu pisassinneqartut ilaasa arlaqartut pisassatik, aalisartitseqatigiiffinnut nunanit allaneersunut isumaqatigiissuteqarlutik taakku angallataataat atorlugit pisarisimagaat. Tamatuma kingunerisimavaa aalisarneq Kalaallit Nunaanni annikitsuinnarmik suliffissaqarttisisimasoq angallatitigullu ineriartortitsiviusimasoq. Taassuma ilutigisaanik nunat allamiut angallataannik nunanit allaneersunik inuttalinnik atuineq akileraarutitigut isertitat ikittuinnarnik amerlinerannik aamma nassataqarsimavoq. Tassa imaappoq selskabit nunanit allaneersut aalisarnerminnit sinneqartooraajunnartunit selskabit akileraarutaannut akiliisanngillat, soorluttaaq aamma inuttat nunanit allaneersut akissarsiaannit akileraarutinut A-nut akiliisanngitsut.

Kalaallit angallataataannik kalaallinillu inuttanik atuinerulersitsinikkut kalaallinik sulisoqarnissaq angallatitigullu ineriartortitsinissaq annertusarniarlugit, aammalu landskarsip aalisar-nikkut iluanaarutaasut ilaannik naammaginartunik pissarseqataanissa qulakkeerniarlugu siunnersuutigineqarpoq isumalluutinik atuinermi akitsuutit assigiinngitsuussasut, taamaalillutik aalisakkat angallatit Kalaallit Nunaanni angerlarsimaffeqartutut nalunaarsorneqarsimasut atorlugit pisarineqartut, aalisakkanit angallatit Danmarkimi, Savalimmiuni nunaniluunniit allani angerlarsimaffeqartutut nalunaarsorneqarsimasut atorlugit pisarineqartunit appasinnerusumik akitsuusersorneqarlutik.

Akitsuutinik assigiinngitsuutitsinissaq taaneqareersutuut kalaallit angallataannik inuttanillu kalaallinik atuinissap pilerinarsarnissaanik ilaatigut tunngaveqarpoq, ilaatigullu aamma pissuttaavoq kalaallit angallataataannik aamma/imaluunniit inuttanik kalaallinik atuineq akileraarutinik A-nik selskabillu akileraarutaannik isertitsissutaasussaammata, taamaammallu taakku isumalluutinik atuinermi akitsuusersuiffigineqarnissaat aalisakkanik ikerinnarsiortunik angal-latit allat atorlugit pisarineqartunik akitsuusersuinerminngarnit appasinnerutinneqarsinnaasoq.

Aammattaaq siunnersuutaavoq qaleralinnik immannguaannaq sulianik suliarineqanngitsuniluunniit annissuineq kiilumut 2,00 kr.-nik akitsuusersorneqassasoq. Siunnersuutip kingunerrissavaa suliffeqarfii inuillu qaleralinnik Kalaallit Nunaanniit annissuisut, qalerallit suliarine-qanngitsut imaluunniit niaqui paperuieluunniit atatiinnarlugit suliarineqarsimasut annissornerini landskarsimut akitsuummik akiliisussanngornissaat.

Aalisakkat niaqui paperuilu peerlugit Kalaallit Nunaanni suliarineqarpata annissuinermi akit-suummik akiliisoqassanngilaq.

Akerlianilli aalisakkat, assersuutigalugu avaleraat niaquiluunniit kisiisa Kalaallit Nunaanni peeriarlugit kingorna Kalaallit Nunaanniit anninnejarpata, taava annissuinermi akitsuut siunnersuutigineqartoq akilerneqassaaq.

Siunnersummi taamaallaat pineqarput qaleralinnik tulaanneqarsimasunik annissuineq. Avataasiorluni qaleralinniarnermi pisarineqartut tulaanneqartussaanngitsut siunnersuutip kingune-

risaanik marloriaammik akitsuusersorneqarnavianngillat, tassa qalerallit pisarinerinut akitsuutip qalerallit annissornerinut akitsummik qallerneratigut.

Inatsisip atuutsinnera pillugu aalajangersakkat qalerallit akitsuutaanni atuuttumi aalajangersarneqartut annissuinermi akitsummumuttaaq atuutissapput.

Akitsummik akiliisussaatitaaneq atuutilissaqq piffissami nunanut nioqqutissortup aalisakkanik inummut pingajuusumut tunisiffiani.

Suliffeqarfik inulluunniit qalerallit Kalaallit Nunaanniit annissuisoq akitsuutip akilernisaanut pisussaavoq. Akitsuut kvartalikkaartumik naatsorsorneqarlunilu akilerneqassaaq.

Akitsuut akileraaruseriffimmut nalunaarutigineqarlunilu akilerneqassaaq kingusinnerpaamik kvartalip qaangiunnerata kingorna qaammammi ulluinnaat kingullersaanni. Suliffeqarfipiup akitsuut piffissaagallartillugu akilinngippagu sivikinnerusumik piffissaqarluni akiliinissaq akileraaruseriffiup peqqussutigisinnavaa, soorluttaaq akitsuutip akilerneqarnissaanut qularnaveeqquisiinissaq piumasarineqarsinnaasoq.

Aammattaaq inatsisissatut siunnersuut akileraaruserinermik ingerlatsineq pillugu Inatsisartut inatsisaannut attuumassuteqartinneqassaaq. Akileraaruserinermik ingerlatsineq pillugu Inatsisartut inatsisaat maleruagassanik, qalerallit avaleraasartuullu avataasierluni aalisarnermi pisarineqartut akitsuutaat pillugit Inatsisartut inatsisaannut (matumanit allanngortinniarneqartoq ima Qalerallit akitsuutaat aamma aalisakkat ikerinnarsiortut ilaasa Tunumi aalisarnermi pisarineqartut akitsuutaat pillugit Inatsisartut inatsisaat) atatillugu nakkutilliineq, kingusinaarluni akiliinermi ernialersuineq, isumakkeerineq ilaallu ilangullugit pillugit akileraaruseriffiup suiliassamik naammagittaalliuummillu suliaqarnerani pingaaruteqartunik ilaatigut imaqrpoq. Tassa imaappoq Qalerallit akitsuutaat aamma aalisakkat ikerinnarsiortut ilaasa Tunumi aalisarnermi pisarineqartut akitsuutaat pillugit Inatsisartut inatsisaata atuutsinneqarnera, akileraarutit akitsuutilu pillugit inatsisitut allatuulli Akileraaruserinermik ingerlatsineq pillugu Inatsisartut inatsisaanni maleruagassat malillugit ingerlanneqassaaq, aalajangersakkat immikkut ittut ingerlatsinermut pingaarutillit Qalerallit akitsuutaat aamma aalisakkat ikerinnarsiortut ilaasa Tunumi aalisarnermi pisarineqartut akitsuutaat pillugit Inatsisartut inatsisaanni aalajangersarneqarsimannngippata.

Inatsisissatut siunnersuut inatsimmut atuuttumut sanilliullugu	
<i>Oqaasertai atuuttut</i>	<i>Inatsisissatut siunnersuut</i>
	§ 1 Qalerallit avaleraasartuullu avataasierluni aalisarnermi pisarineqartut akitsuutaat pillugit Inatsisar-

	tut inatsisaanni nr. 11, 3. december 2012-imeersumi, Inatsisartut inatsisaatigut nr. 9, 29. november 2013-imeersukkut aamma Inatsisartut inatsisaatigut nr. 10, 8. juni 2014-imeersukkut allanngortineqartumi makku allannguutigitinneqarput:
Qalerallit avaleraasartuullu avataasiorluni aalisarnermi pisarineqartut akitsuutaat pillugit Inatsisartut inatsisaat	<p>1. Inatsisip taaguuttaa ima oqaasertaqassaaq: "Qalerallit akitsuutaat aamma aalisakkat ikerinnarsiorut ilaasa Tunumi aalisarnermi pisarineqartut akitsuutaat pillugit Inatsisartut inatsisaat."</p>
§ 1 <i>Imm. 1.</i> Suliffeqarfuit aamma inuit avataasiorluni qaleralinniarnissamut taamatullu aamma avaleraasartoorniarnissamut pisassinneqarsimasut pisamik ilaasa, aalisarneq pillugu inatsit naapertorlugu Kalaallit Nunaanni tu-nitsivimmut tunissiorfimmulluunniit tunineqartussaanngitsut landskarsimut akitsuutaannik, inat-simmi matumani aalajangersakkat naapertorlugit akiliissapput.	<p>2. § 1, <i>imm. 1</i>, ima oqaasertaqassaaq: "Suliffeqarfuit aamma inuit Kalaallit Nunaata oqartussaaffigisaani nunallu allat oqartussaaffigisaani avataasiorluni qaleralinniarnissamut imaluunniit aalisakkat ikerinnarsiorut ilaannik Tunumi aalisarnissamut pisassinneqarsimasut pisamik ilaasa, Kalaallit Nunaanni tunitsivimmut tunissiorfimmulluunniit, aalisarneq pillugu inatsit naapertorlugu tunineqartussaanngitsut landskarsimut akitsuutaat inatsimmi matumani aalajangersakkat naapertorlugit akilissavaat."</p>
	<p>3. § 1-immi <i>imm. 2-tut</i> nutaatut ilanngunneqassaaq: "Suliffeqarfuit aamma inuit qaleralinnik Kalaallit Nunaaniiit annissuisut, qalerallit tunineqartut suliarineqanngitsut imaluunniit niaqui paperuiuluunniit atatinnarlugit suliat anninneranni landskarsimut akitsuuut inatsimmi matumani aalajangersakkat naapertorlugit akilissavaat. Akitsusigassanut ilaanngillat pisat ilaat imm. 1 naapertorlugu akitsuuserneqartussat."</p> <p>Imm. 2 matuma kingorna tassaalerpoq imm. 3.</p>
	<p>4. § 2 ima oqaasertaqassaaq: "§ 2. § 1, <i>imm. 1</i> naapertorlugu akitsummik akiiliisussaatitaaneq piffissami pisarineqarfianni atuutilissaq. <i>Imm. 2.</i> § 1, <i>imm. 2</i> naapertorlugu akitsummik akiiliisussaatitaaneq piffissami annissiffiusumi</p>

	atuutilissaq.”
Avaleraasartuut akitsuutaat	<p>5. § 3-p kingornagut qulequtaq ima oqaasertaqas-saaq:</p> <p><i>”Aalisakkat ikerinnarsiortut ilaasa Tunumi aali-sarnermi pisarineqartut akitsuutaat”</i></p>
§ 3a	<p>6. Qulequttap nutaap kingornagut ilanngunneqassaaq:</p> <p>”§ 3 a. Aalisakkat ikerinnarsiortut ilaasa Tunumi aalisarnermi pisarineqartut, angallatinut Kalaallit Nunaanni angerlarsimaffeqartutut nalunaarsorneqarsimasoq atorlugu pisarineqartumut kiilumut 0,95 koruuniuvoq.</p> <p>Imm. 2. Akitsuut avaleraasartuumut, angallat Danmarkimi, Savalimmiuni nunani luunniit allani angerlarsimaffeqartutut nalunaarsorneqarsimasoq atorlugu pisarineqartumut kiilumut 0,95 koruuniuvoq.</p> <p>6. Qulequttap nutaap kingornagut ilanngunneqassaaq:</p> <p>”§ 3 a. Aalisakkat ikerinnarsiortut ilaasa Tunumi aalisarnermi pisarineqartut, angallatinut Kalaallit Nunaanni angerlarsimaffeqartutut aamma Danmarkimi, Savalimmiuni nunani luunniit allani angerlarsimaffeqartutut nalunaarsorneqarsimasoq atorlugu pisarineqartumut 0,95 koruuniuvoq.</p> <p>1) Ammassassuaq,</p> <ul style="list-style-type: none"> a) angallat Kalaallit Nunaanni angerlarsimaffeqartutut nalunaarsorneqarsimasoq atorlugu pisarineqartoqkiilumut 0 kr. 25 øre. b) angallat Danmarkimi, Savalimmiuni nunani luunniit allani angerlarsimaffeqartutut nalunaarsorneqarsimasoq atorlugu pisarineqartoqkiilumut 0 kr. 80 øre. <p>2) Ammassak,</p> <ul style="list-style-type: none"> a) angallat Kalaallit Nunaanni angerlarsimaffeqartutut nalunaarsorneqarsimasoq atorlugu pisarineqartoqkiilumut 0 kr. 15 øre. b) angallat Danmarkimi, Savalimmiuni nunani luunniit allani angerlarsimaffeqartutut nalunaarsorneqarsimasoq atorlugu pisarineqartoqkiilumut 0 kr. 70 øre. <p>3) Avaleraasartooq,</p> <ul style="list-style-type: none"> a) angallat Kalaallit Nunaanni angerlarsimaffeqartutut nalunaarsorneqarsimasoq atorlugu pisarineqartoqkiilumut 0 kr. 95 øre. b) angallat Danmarkimi, Savalimmiuni nunani luunniit allani angerlarsimaffeqartutut nalunaarsorneqarsimasoq atorlugu pisarineqartoqkiilumut 1 kr. 50 øre. <p><i>Imm. 2. Aktie- imaluunniit anpartsselskabip Kalaallit Nunaanni angerlarsimaffeqartup angallat</i></p>

	Danmarkimi, Savalimmiuni nunaniluunniit allani angerlarsimaffeqartutut nalunaarsorneqarsimasoq inuttaqartinnagu, kisiannili angallatip naalagaa, maskinmesteria taakkuluunniit marluk kisiisa ilangullugit attartorpagu, akitsuutit angallatinut Kalaallit Nunaanni angerlarsimaffeqartutut nalunaarsorneqarsimasunut atuuttut akilerneqassapput.”
	<p>7. § 3 a-p kingornagut qulequtaq nutaaq ima oqaasertaqassaaq:</p> <p><i>”Qalerallit immannguaannaq suliat suliarineqanganitsulluunniit akitsuutaat”</i></p>
	<p>8. Qulequttap nutaaq kingornagut ilanngunneqassaaq:</p> <p>”§ 3 b. Qalerallit § 1, imm. 2-mi pineqartut kiilumut akitsuutaat 2,00 kr.-iuvoq.”</p>
§ 7	<p>9. § 7 affattes således:</p> <p>” § 7. Naalakkersuisut akitsummik akiliinnginnissamik qinnuteqaat akuerisinnaavaat, misileraalluni aalisarnissaq peqassutsimut imaluunniit inuussutissarsiornermut pingaaruteqartoq akuersissutigineqarsimappat, aammalu akiliinnginnissamik akuersinerup aningaasatigut sunniutissai annertunngippata.”</p>
	<p>10. § 8, imm. 1 ima oqaasertaqassaaq:</p> <p>”§ 8. § 1, imm. 1-imik 2-millu, § 3, imm. 1-imik, § 3 a, imm. 1-imik, § 3 b-mik, § 4, imm. 2-mik 3-milluunniit piaaraluneerluni mianersuaalliorujusuarluniluunniit unioqqutitsineq, imaluunniit akiliinissamut piffissaliussamit sivikinnerusumik piffissaqluni akiliinissamik qularnaveeqqusiniisamilluunniit § 5 naapertorlugu peqquneqarermik malinninnginneq Kalaallit Nunaanni pinerluttulerermik inatsimmi maleruagassat naapertorlugit pineqaatissiinermik kinguneqarsinnaavoq.”</p>

§ 2

Inatsisartut inatsisaat 1. januar 2016-imí atortuullissaq.

3. Pisortanut aningaasatigut allaffissornikkullu sunniutissai

Aalisakkat ikerinnarsiortut landskarsimut katillugit 55 mio. kr.-it missinginik isertitaqaataanissaat siunnersuutip kingunerissavaa. Naliliinermi pisarnertuut eqqoriarneqarpoq 2016-imí pisarineqarumaartussat avaleraasartuut 2013-imí, 2014-imí 2015-imilu pisarineqartut agguatigiissillugit amerlassusiisa 80 procenterissagaat, ammassassuit ammassallu 2014-imí pisarineqartutuulli amerlatigissasut. Pisarineqartut ikinnerussappata akitsuutitigut isertinneqartus-sat taamatulli aamma ikilissapput. Akitsuut aningaasartuutit allat assigalugit umiarsuaatileqatigiiffiit aningaasarsiaannit akileraaruteqaataasussanit ilanngaatigineqarsinnaammat, taamaa-lillunilu umiarsuaatileqatigiiffinnut akileraarusigassanut ikilissutaassammat, taava aningaa-sartuutit tamarmiusut 23 mio. kr.-it taamaallutik kingunerissavaat aalisakkanik ikerinnarsiortunik aalisarneq, akileraarutit ilanngaatigereerlugit 32 mio. kr.-it missaannik isertitaqaataaju-maartoq.

Qalerallit immannguaannaq suliat suliarineqanngitsulluunniit akitsuutaasigut isertinneqartus-sat 2016-imí 20 mio. kr.-it missaanniissangatinneqarput. Isertinneqartussat akileraarutit A-t, taakku amerlanersaat kommunit pissaat, aamma akitsuutit amerlinerineersuussapput. Isertinneqartussat akileraarutinut A-nut akitsuutinullu qanoq agguataarsimanissaat maannakkuugal-lartoq eqqoriarneqarsinnaanngilaq, akitsuutimmi tunisassiorfinni sutigut allannguuteqartitsi-sinnaanera pillugu paassisutissat ilaatigut pigineqanngimmata. Akitsuut suliassaqartitsiner-lernermik kinguneqarpat, akissarsiarititanullu aningaasartuutit taamaalillutik amerlippata, akissarsiarititanut aningaasartuutit tamarmiusut aningaasarsiat akileraaruteqaataasussat naatsorneranni ilanngaatigineqarsinnaapput. Taamatuttaaq nunanut allanut nioqqutissiortut akitsuummut aningaasartuutaat aningaasarsiat akileraaruteqaataasussat naatsorneranni ilanngaatigineqarsinnaapput. Akitsuutip aningaasarsianit akileraarutitigut isertinneqartussanut qanoq amerlatigisunik ikilisitsinissaa naatsorsorneqarsinnaanngilaq, oqaatigineqartutuummi akitsuutip tunisassiorfinni sutigut allannguuteqartitsisinnaanera pillugu paassisutissat pigine-qanngillat.

Qaleralinnik annissuinermi akitsuummut atatillugu allaffissornermut aningaasartuuteqarneru-lernissaq Akileraartarnermut Aqutsisoqarfíup naatsorsuutigaa, tassa suliffeqarfínnut nakkutil-liilluni pulaarnernut, nioqqutissianik ineriikkanik misissuinernut il.il.

4. Inuussutissarsiutinik ingerlataqartunut aningaasatigut allaffissornikkullu sunniutissai

Siunnersuut inunnut suliffeqarfinnullu inatsisisstatut siunnersummi pineqartunut aningaasatigut sunniuteqassaaq, umiarsuaatileqatigiiffiimmik aammalu nunanut allanut nioqqutissortut sinneqartoorutaat tamarmiusut akitsuutinut aningaasartuutaanerusussanik akissarsiarititanuluunniit aningaasartuutinik ikilisinneqartussaammata.

Akitsuutip ikerinnarsiortunik aalisarnermeersup ilaata inuttanit akilerneqarnissaa naatsorsuutigineqarsinnaavoq, tassa pisat naapertorlugit akissarsisitseriaatsip kingunerisaanik, aamma tak. immikkoortoq 6.

Taamatuttaaq aamma akitsuutinik naatsorsuineq akiliinerlu umiarsuaatileqatigiiffinnut aammalu nunanut allanut nioqqutissortunut allaffissorermik kinguneqartussaavoq.

5. Avatangiisinut, pinngortitamut inuillu peqqissusiannut sunniutissai

Siunnersuutip avatangiisinut aamma/imaluunniit pinngortitamut sunniuteqangaarnissaa naatsorsuutigineqanngilaq.

Aamma siunnersuutip inuit peqqissusiannut sunniuteqarnissaa naatsorsuutigineqanngilaq.

6. Innuttaasunut sunniutissai

Siunnersuut, aalisakkanik ikerinnarsiortunik Tunumi aalisarnermit akitsuutit pilerinarsagaasumik aaqqissuussaanerisa kingunerisaannik Nunatsinni suliffissaqartitsiniarnermut iluaquatasangatinneqarpoq.

Annisuinermi akitsuutip qalerallit Kalaallit Nunaanni suliarinissaannik aningaasatigut ornignarsaanerata kingunerisaanik nunatsinni suliffissat amerlingaatsiarsinnaanerat naatsorsuutigineqarpoq. Aammali akitsuut suliffeqarfiit isertitaannik ikilisitsiartoratarsinnaavoq, tamannalu suliffissanik naleqarsinnaalluni.

Angallatini aalisakkanik ikerinnarsiortunik aalisartuni inuttat aalisarnermi pisat naapertorlugit akissarsisinneqartarpata, akitsuullu akissarsianit tamarmiusunit ilanngaatigineqassappat tamanma inuttat akissarsiamikkut aamma malugissavaat.

Siunnersuutip innuttaasunut allaffissornikkut sunniuteqarnissaa naatsorsuutigineqanngilaq.

7. Sunniutissai pingaarutillit allat

Inatsisisstatut siunnersuutip pingaarutilinnik allanik sunniuteqarnissaa naatsorsuutigineqanngilaq.

8. Oqartussaasunik kattuffinnillu il.il. tusarniaaneq

Inatsisisstatut siunnersuutip ilaa, Tunumi aalisakkat ikerinnarsiortut ilaasa akitsuutaannut tunngasoq 2015-imi piffissami 2. junimiit 6. julimut ukununnga tusarniaassutigineqarpoq:

KANUKOKA, Sulisitsisut (Grønlands Erhverv), NUSUKA, S.I.K., KNAPK, Aalisarnermut, Piniarnermut Nunalerinermullu Naalakkersuisoqarfik aamma Inuussutissarsiornermut, Sulifeqarnermut Niuernermullu Naalakkersuisoqarfik.

Aammattaaq inatsisisstatut siunnersuut tusarniaavimmi ugguna tamanut saqqummiunneqarpooq www.naalakkersuisut.gl

Tusarniaanermi akissuteqarnissamut piffissaliussaq qaangiummat akissuteqartuupput KANUKOKA, Sulisitsisut (Grønlands Erhverv), Aalisarnermut, Piniarnermut Nunalerinermullu Naalakkersuisoqarfik, Inuussutissarsiornermut, Suliffeqarnermut Niuernermullu Naalakkersuisoqarfik kiisalu Pinngortitamut, Avatangiisutut Inatsisinillu Atortitsinermut Naalakkersuisoqarfik. Oqaaseqaatit tiguneqartut ataani nalinginnaasumik allanneqarput, Naalakkersuisut akissutaat *uingasumik* allanneqartut.

KANUKOKA kommunit sinnerluginat nalunaaruteqarpoq inatsisisstatut siunnersuutip tusarniaassutigineqarneranut akissuteqartoqassanngitsoq, tusarniaanermimi piffissaliunneqartoq julip qaammataata aallartereerneranut killeqarmat tusarniaassutigineqartoq tunngavissaqarluartumik suliarineqarsinnaanngimmat. Kommunit inatsisisstatut siunnersuutip tusarniaassutigineqarneranut akissuteqannginnerat Inatsisartuni ilaasortanut ilisimatitsissutigineqassasoq KANUKOKA-p kissaatigaa, julimmi qaammataata tusarniaaffiusannginnissaanik, aammalu tusarniaanerit sivikinnerpaamik sap.ak. tallimaasarnissaannik Namminersorlutik Oqartussat kommunillu 20. maj 2010-imi isumaqatigiissutaat eqquutsinneqanngimmat.

Naalakkersuisut maluginiarpaat inatsisisstatut siunnersuut tusarniaassutigineqarsimasoq piffissami 2. juni 2015-imiit 6. juli 2015-imut. Tassa imaappoq inatsisisstatut siunnersuut sivikinnerpaamik sap.ak. tallimanik piffissaliilluni tusarniaassutigineqarsimavoq. Piffissami tusarniaaffiusumi ulla tuliffiit 25-upput, taakkunannga julimi ulla sisamaallutik. Siunnersuutip tusarniaassutigineqarnissa tamanna eqqarsaatigalugu ajunngitsutut isigineqarsimavoq, naak tusarniaanermi piffissaliussap amiakkua julip ulluini siullerniikkaluartoq. Tamatuma ilutigisaanik inatsisisstatut siunnersuut pineqartoq tassaavoq aalisarnermik suliaqartunik allanillu peqateqarluni oqaluuserineqartunut attuumassuteqarluinnartoq. Inatsisisstatut siunnersuutnik taamaattunik suliaqarnissamut piffissaliussaasartut amerlasuutit gut sivikitsuinnaasarpuk kinguaattoortoqaratarsinnaasarlunilu, ilaatigummi ataatsimiittarnerit, imarisasa isummerfigivinneqarnissaat, nutserinerit il.il. pissutigalugit nalinginnaasumik piffissaliussaasartut sa-neqqutilaarneqarnissaat pisariaqarsinnaasarpuk.

Naalakkersuisut naggiqarneq oqaatigissavaat inatsisisstatut siunnersuut pineqartoq aningaaarsiorneq, suliffeqarneq aalisarnerlu pillugit politikkikkut suliniutinut ataatsimoortunut ilaammat, taamaammallu suliap taamatut ingerlanneqartariaqarsimaneranik paasinnikkumanngitsoqassappat tamatuma inatsisisanik pingaarutilinnik suliaqarnermut kinguarsaataanissaa Naalakkersuisut isumannartoqartikkaat.

Sulisitsisut (GE) oqaatigaat aalisakkanik ikerinnarsiortunik aalisarneq kalaallit umiarsuaatile-qatigiiffiinut aningaasatigut piginnaasatigullu unammilligassaqartitsisoq. Umiarsuaatileqati-giiffiit aningaasarsiorluarsinnaagaluartut aningaasaliinerit aningaasatigut ajornartoortitsisin-naalluarput, aalisakkammi pineqartut Kalaallit Nunaata eqqaani aalisarneqarsinnaanerat qanorlu sivisutigisumik aalisarneqarsinnaanissaat arlaannaataluunniit ilisimanngilaa. Aalisakkanik ikerinnarsiortunik aalisarnerup iluanaarutaasinnaanerinnaata politikkikkut sammineqarne-ra inatsisisstatut siunnersuummi takuneqarsinnaavoq.

Avaleraasartuunik il.il. aalisarnerup Nunatsinni nutaajunera tassungalu atatillugu, matumani aamma umiarsuaatileqatigiiffiit aalisarnermit iluanaarutissaannut tunngasut eqqarsaatigalugit, nalorninartorpassuaqarnera Naalakkersuisut ilisimavaat. Nalorninartut tamakku siunner-suutip suliarineqarnerani ilanngullugit isiginiarneqarput.

Aalisarneq pillugu politikki, aalisarneq pillugu inatsisit aamma akileraartarneq/akitsuutit pil-lugit inatsisisit apeqquaatinngagit ataqtigiiusunik atugassaqartitsiviusoq Sulisitsisut (GE) qas-seeriaqalutik ujartortarpaat. Inatsisisstatut siunnersuut Aningaasaqarnermut Naalakkersuiso-qarfiup Aalisarnermut, Piniarnermut Nunalerinermullu Naalakkersuisoqarfimmut, aalisarneq pillugu politikkimik tamarmiusumik nutarterinissaq siunertarerpiarlugu aalisarnermik sulialin-nik tamanik qaammatini kingullerni suleqateqarsimasumut ataqtigiiinngitsumik sulineranut aammaarluni assersuutissaavoq. Isumalluutinik atuinermut akiliuteqartitsisarnerup, aalisarne-rup iluani unammilligassat tamarmiusut suunerinik paasiniaalluni misissueqqissaarlunilu suli-amit immikkoortinneqarnera Sulisitsisut (GE) isornartoqartippaat ataqtigiiissaagaanngitsutul-lu isigalugu. Inatsisisstatut siunnersuut allaanngilaq landskarsimik immiiniaannarluni aningaa-sarsiornikkut politikkimik immikkoortumik ingerlatsineq, aalisakkanik avammut niuernerup siunissaq ungasinnerusoq eqqarsaatigalugu pitsangngorsarneqarnissaanik siunertaqanngitsoq.

Inatsisisstatut siunnersuutinik, matumani aamma aalisarnermi akitsuutit pillugit inatsisisstanik suliaqarnermi politikkikkut allaffeqarfikkullu ingerlaavartumik ataqtigiiissaarisoqartarpoq. Avaleraasartuuinnaanngitsut, aammali aalisakkat ikerinnarsiortut allat aningaasarsiutaasin-naasut akitsuusersorneqalernissaat Naalakkersuisut eqqortuusoraat, tamatta aalisagaatitta ilaannik taakkuninnga aalisartut atuinerminnut akiliuteqartussanngorlugit.

Akitsuusersuinermik aaqqissuussineq tapersorsorneqarlunilu oqimaaqtigiissaagaassaaq. Ingerlatsiviup akitsuummik angissusiliinnginnermi kingunerisassanik misissueqqissaaqqaar-nissaa pitsasuussaaq. Aalisakkanimmi ikerinnarsiortunik akitsuuseeriaatsit assigiinngitsut ki-ngunissai naatsorsorneqarsimannigillat, akitsuutillu aalisarneq pillugu politikkimik suliamut ingerlareersumut ataqtigiiissaagaanngitsumik angissusiligaapput. Inuussutissarsiummik ingerlataqartut tamanna attanneqarsinnaanngitsutut isigaat, periaaserlu taanna inatsit siorna al-lanngortinneqarmat Sulisitsisut (GE) isornartorsiopaat.

Inatsisisstatut siunnersuutip umiarsuaatileqatigiiffinnut kingunerisinnaasaanik naatsorsukka-nik peqarnissap pitsasuunissaanik oqarneq Naalakkersuisut isumaqatigaat. Paasissutissa-nilli sukumiisunik, ingerlatsiveqarfiup naatsorsukkanik tamakkuninnga suliaqarsinnaanera-nut atugassanik naammattunik peqartoqanngilaq. Tamanna ilaatigut siunertaralugu, Inuussu-tissarsiutigalugu aalisarneq pillugu tunisassiornikkut aningaasaqarnikkullu paasissutissanik nalunaarutiginnittarneq pillugu Namminersorlutik Oqartussat nalunaarutaat nr. 11, 29. juni

2015-imeersoq, nunami inuussutissarsiutit pingaarnersaat pillugu paasissutissanik ingerlatsi-veqarfiup misissueqqissaarnissami atugassaanik peqalernissamik siunertaqartoq Naalak-kersuisut aalajangiuppaat.

Inatsisissap siunertaraa inuiaqatigiit iluanaaruteqarnerunissaannik qulakkeerinissaq. Tunngavilersuut tamanna Sulisitsisut (GE) akerlerinngilaat. Umiarsuaatileqatigiiffit amerlasoorujus-suarnik aningaasaliisussanngortullu aalisarnermik ingerlataqartut 60 mio. kr.-inik aningaasar-tuuteqarnerulersinniarneqarnerat Sulisitsisut (GE) akerleraat. Sulisitsisut (GE) isumaqarput siunnersuut inuiaqatigiinnut aningaasarsiornikkut iluanaarnannginneroqisumik, taamatullu aamma pisortat karsiuut isertitsissutaanikinnerusumik kinguneqaratarsinnaasoq.

Siunnersuut umiarsuaatileqatigiiffit 2015-imut tunngatillugu, akileraarutit ilanngaatigereer-lugit katillugit 12,8 mio. kr.-it missinginik aningaasartuuteqarnerulererannik kinguneqas-saaq. Aningaasat taakku umiarsuaatileqatigiiffinnit maanna nammameqarsinnaasut Naalak-kersuisut naliliippuit.

Immikkoortoq 4-mi oqaasertaliussaq una eqqunngilaq: "Umiarsuaatileqatigiiffit aningaasar-tuutaanerusussat inuttanit akilersissagaat naatsorsuutigineqarpoq".

Oqaasertaliussaq allanngortinneqarpoq.

Sulisitsisut (GE) tunngavippiaatigut isumaqarput inatsisissatut siunnersuut siunissaq ungasin-nerusoq eqqarsaatigalugu aalisarnermik nutaamik, Kalaallit Nunaata inuiaqatigiinni aningaa-sarsiornikkut ukiorpassuarni iluaqutigisinnaasaanik ineriartortitsinissamut akornutaaratarsin-naasoq, pisariaqartunik aningaasaliisussat landskarsip siunissami qaninnermi immerneqarnis-saa pissutigiinnarlugu qunulersinneqanngippata.

2015-imi avaleraasartoorniarnissami pisassinneqarnissamik qinnuteqartut amerlanerujussu-at tunngavigalugu Naalakkersuisut naliliippuit siunnersuut aalisakkanik ikerinnarsior-tunik aalisarnerup ineriartortinnissaanut akornutaanaviangitsoq.

Aalisarnermut, Piniarnermut Nunalerinermullu Naalakkersuisoqarfiup oqaatigaa naalakkersu-isoqarfik tunngaviatigut isumaqarmat, inuussutissarsiummik ingerlataqartut aalisarnermik ine-riartortitsinermut ukiuni aggersunissaq aningaasaleeqqittariaqartarnissaat akitsuutit aaqqis-suunneqarneranni eqqaamaneqartariaqartoq. Tassunga uiggiullugu APNN-ip pitsasutut nali-lerpaa akitsuuseeriaatsimik aaqqissuussinerup kalaallit nunallu allamiut angallataataat immik-koortimmagit.

2015-imi avaleraasartoorniarnissami pisassinneqarnissamik qinnuteqartut amerlanerujussu-at tunngavigalugu Naalakkersuisut naliliippuit siunnersuut aalisakkanik ikerinnarsior-tunik aalisarnerup ineriartortinnissaanut akornutaanaviangitsoq. Akitsuutinik aaqqissuussinerup allanngortinneqarnerata ilaatigut siunertaraa kalaallit aalisarnermik inuussutissarsiutaata ineriartortinneqarnissaanut pilerinarsaanissaq.

Aalisakkat ikerinnarsior-tut tunuliaqutsiullugit isertitassanik taama amerlatigisunik aningaasa-nut inatsisissamut inissiinissap nalorninartulerujussuusinnaanera APNN-ip oqaatigaa, aalisak-kammi assigiinngitsut nuttarnerisa, amerlassusiisa, nerisassaqniarnerisa assigisaasalu al-

Ianngorarnerat aalisakkat pisarineqartut ikileriarujussuarnerannik, taamatullu aamma akitsuit ikileriarujussuarnissaannik kinguneqarsinnaapput.

Aalisakkat pisarineqartut amerlassusiisa akillu piffissap sivikitsup ingerlanerani allannguute-qarujussuarsinnaanerat Naalakkersuisut ilisimavaat. Taamaammat aalisarnerup tamarmiusup akitsuutitigut inatsisiliunneqarnissaa anguniarlugu sulisoqarpoq, tamatumalu ilaatiqut siunertaraa aalisakkanik aalajangersimasunik aalisarnerit ataasiakkaat allanngorarpallaarnissamit sunneruminaallisarneqarnissaat.

Tusarniaanermi akissuteqartut allat siunnersuummut oqaaseqaatissaqanngillat.

Siunnersuut, qaleralinnik immannguaannaq sulianik suliarineqanngitsunillu annissuineremi akitsuummut maanna eqqartorneqartumut pingaarnertigut assingusoq 2014-imi piffissami 13. junimiit 18. julimut ukununnga tusarniaassutigineqarpoq:

KANUKOKA, SIK, Kalaallit Nunaanni Sulisitsisut Peqatigiiffiat (GA), KNAPK, NUSUKA, KPMG Grønland, Deloitte, BDO, Grønlands Revisionskontor, Inuussutissarsiornermut, Aatsittasaqarnermut Suliffeqarnermullu Naalakkersuisoqarfik aamma Aalisarnermut, Piniarnermut Nunalerinermullu Naalakkersuisoqarfik.

Tusarniaanermi tassani akissuteqarnissamut piffissaliussaq qaangiummat GA, SIK, KNAPK aamma Polar Seafood Greenland A/S akissutisiffiqineqarsimapput.

Tusarniaaneq imaattunik oqaaseqaateqarfiuvoq:

Siunnersuutip saqqummiunneqarnissaa GA-p kissaatiginngilaa, GA-mi isumaqarmat siunnersuummut atatillugu naammattunik misissuisoqarsimanngitsoq.

- GA aamma Polar Seafood Greenland A/S isumaqarput: siunnersuut ilimagisat tunngavigalugit suliaasoq,
- siunnersuutip suliffissaqartitsinissamik sunniutissai qulakkeerneqarsimanngitsut,
- siunnersuut neriuutigineqartutuut Kalaallit Nunaanni suliffissat amerlinerannik kinguneqassagaluarpat aasaanerani suliassat isumaginissaannut sulisussat piginnaasaqarluartut pissarsiarinissaat ajornartorsiutaasassasoq, tamannalu tunisinermik killilersuinernik kinguneqassasoq,
- qaleralinnik Kalaallit Nunaanni suliaqarnerulernissaq kissaatigineqarpat tunitsiveqarnik-kut tunisassiorfeqarnikkullu, taamatullu aamma assartuinermut piorsaanerunissamut aningaasaliisoqartariaqartoq,
- J-cut-inik suliaqarnissamik piumasaqaat pitsaassutsimut ajorseriaataassaaq, aalisakkammi marloriarlugit qeritinneqartariaqartassammata, tamannalu nioqqtissiat inaerneqarnerminni pisisartunit pilerigineqarnerannut millisaataassaaq, taamatullu aamma akinut apparsaa-taassalluni, aamma

- nunanut allanut nioqquteqartut isertitaat akitsuutip kingunerisaanik ikileriassapput, taman-nalu tunisinermi akit appasinnerunissaannik kinguneqassaq.

Naalakkersuisut isumaqarput siunnersuut, isertitassatut suliffissaqartitsinermullu sunniutissa-tut naatsorsuutaasut eqqarsaatigalugit nukingiunneqartariaqartoq.

GA-p aamma Polar Seafood Greenland A/S-ip naatsorsuutigaat kilisaatit tunisassiorfiutigisut siunnersummi pineqartunut ilaanngitsut, naak tamanna siunnersummi erseqqarissumik al-lassimanngikkaluartoq.

Kilisaatit tunisassiorfiutigisut akitsuut pillugu siunnersummi pineqartunut ilaanissaat siun-niussaanngimmat tamanna eqqortuuvoq, kilisaatimmi marloriaammik akitsuusiiffigineqarnis-saat siunertaanngilaq (tassa qalerallit pisarineqartut akitsuutaasa qalerallit nunanut allanut nioqqutigineqartut akitsuutaannik qallernerisigut). Akitsuummik marloriarluni akiliinnginnis-saq ersarissarniarlugu siunnersuut iluarsineqarpoq.

Polar Seafood Greenland A/S-ip oqaatigaa J-cut-it siunnersummi allanneqarsimanaeratuut tassaanngimmata avaleraajakkat.

Siunnersuut paasissutissiineq naapertorlugu iluarsineqarpoq.

SIK siunnersummut oqaaseqaatissaqanngilaq, piffissarli iluatsillugu oqaatigerusuppaat inatsi-sissatut siunnersuutip aalisakkat Kalaallit Nunaanni suliarineqartarnerisigut suliffissaqartitsi-nerulersitsiniarnermik imaqarnera nuannaarutigini.

Aalisakkanik nioqqutissiat Kalaallit Nunaani suliarineqartartut ilaneqarnissaat/amerlineqar-nissaat KNAPK-p tunngaviatigut tapersersorpaa. Aalisakkalli tunineqarneranni akigitinneqar-tut appartinneqarnissaat pinngitsoorniarlugu qanoq iliortoqarniarnersoq inatsisisstatut siunner-suummi takuneqarsinnaanngilaq.

Naalakkersuisut isumaqarput tunisinermi akit inatsisikkut aaqqinneqartariaqanngitsut, illua'-tungeriilli isumaqatigiinniartarnerisigut aalajangersarneqartariaqartut. Akitsuut siunnersuu-tigineqartoq tunisinermi akinut qanoq sunniuteqassanersoq, taamaassappallu qanoq annertu-tigisumik sunniuteqassanersoq isumaqatigiinniarnerit taakku aalajangissavaat.

Aalisakkat niaquisa kiisalu immaqa paperuisa avaleraasalu igiinnarneqartartut qanoq atorluar-neqarnerusinnaanerat KNAPK-p misissugassaaqqitsippaa.

Aalisakkanik tunisassiornermi perlukut pitsaaneruseumik atorneqarsinnaanerannik misissuiso-qartariaqarnera Naalakkersuisut isumaqatigaat.

Avaleraasartoorniarnermut atatillugu nunaqavissunik illersuinerusumik inatsiseqartitsinissaq KNAPK-p kissaatigaa. Tassa imaappoq minnerpaamik soorlu raajarniarnermisuulli.

Avaleraasartoorniarnermut atatillugu nunaqavissut illersorneqarnissaat pillugu aalajanger-sagaliornissamik apeqqut piffissap misileraaffiup naammassineqarnissaanut utaqqissunne-qassasoq Naalakkersuisut isumaqarput, tassa misileraalluni aalisarnerup atuutsinneqarneranit ingerlanneqarneranillu misilittakkanik tunngaveqarluni.

Aalajangersakkanut ataasiakkaanut oqaaseqaatit

§ 1-imut

Nr. 1-imut

Inatsimmi pineqartut aalisakkat ikerinnarsiortut ilaannik Tunumi aalisarnermi pisarineqartunik aammalu qaleralinnik annissuinermik ilaneqarnerisa kingunerisaanik inatsisip taaguutaanik allannguineq aalajangersakkap kinguneraa.

Nr. 2-mut (§ 1, imm. 1)

Siunnersuutaavoq inatsisip atuuffia ilaneqassasoq, suliffeqarfiiit inuillu aalisakkat ikerinnarsiortut ilaannik, matumani aamma ammassassuarnik ammassannillu Tunumi aalisarnissamut pisassinneqarsimasut pineqartunut ilaalersillugit.

Aammattaaq siunnersuutaavoq erseqqissarneqassasoq akitsuuusigassaatitaasut maannamutut tassaammata Kalaallit Nunaata oqartussaaffigisaani qaleralinniarnissamut pisassiissutit aammalu nunat allat oqartussaaffigisaanni qaleralinniarnissamut Naalakkersuisunit pisassiissutigenqartut. Naalakkersuisut aalisarneq pillugu isumaqatigiissut naapertorlugu nunap taassuma allap oqartussaaffigisaani aalisarnissamut pisassiisinnaatitaappata, taava taamatut pisassinneqarnermi landskarsimut akitsuummik akiliisoqassaaq. Tunumi pisaassiiffiit nunat tamalaat immamik misissuisarnermut ataatsimiitaliaata (ICES-ip) aalisarfigeqqusai tassaapput II, V, XII aamma XIV, imartani Kalaallit Nunaata oqartussaaffigisaaniittut. Akitsuut pisat ilaannit, suliffeqarfieuq inuulluunniit Kalaallit Nunaanni tunitsivimmut tunisassiorfimmulluunniit tunisussaanngisaanit naatsorsorneqassaaq. Aalisakkanut ikerinnarsiortunut tunngatillugu maanakkuugallartoq tunisisussaatitaaneq aalajangersarneqanngilaq. Tassa tunisisussaatitaaneq taanna atuutilersinneqartinnagu akitsuut aalisakkat ikerinnarsiortut pisarineqartut tamarmiusut tunngavigalugit naatsorsorneqartassaaq.

Aalisakkat ikerinnarsiortut pisarineqartut tamarmiusut tassaapput pisat allattorsimaffiini allas-simasut, tassa aalisakkat uumatillutik oqimaassusiat kiilunngorlugu naatsorsugaq. Oqimaassusiat assigiimmik naatsorsorneqartassaaq, apeqqutaatinngu aalisakkat kalaallit angallataataat nunalluunniit allamiut angallataataat atorlugit pisarineqarsimanersut, aamma apeqqutaatinngu aalisakkat nunatta nunalluunniit allat imartaanni pisarineqarsimanersut.

Angallatinut RSW-nik imaluunniit CSW-nik tankilinnut (tankit aalisagaasiviit immikkoortut, aalisakkat nunamut tulaanneqannginneranni nillataartinneqarfingisaat. Tankit imarmik sikunik akusamik aamma/imaluunniit nillataartitsissut mekaniskiusoq atorlugu nillataartinneqartumik imaqarput) tunngatillugu imaappoq, pisassiissutit tulaassinermet uppernarsaatit (tunisinermi allagartat oqimalutaanermiluunniit allagartat) malillugit ilanngarneqartarlutik, tassa pisat ilaat tankiniitinneqartut eqqarsaatigalugit. Pisat sinneriunnagaasa oqimaassusiat pisanut allatuivimmi nalunaarsorneqarsimasoq tunngavigalugu naatsorsorneqassaaq.

Suliffeqarfik inulluunniit aalisarnissamut pisassinneqarsimasoq akitsuutip akilernissaanut pi-sussaavoq. Akitsuut kvartalikkaartumik naatsorsorneqarlunilu akileraaruseriffimmut akilerne-qassaaq.

Nr. 3-mut (§ 1, imm. 2)

Aalajangersakkap kingunerisaanik inatsisip atuuffia ilaneqarpoq, suliffeqarfiiit inuillu qalerallinnik Kalaallit Nunaanniit annissuisut, tassa imaappoq nunanut allanut nioqquteqartut pineqartunut ilaalersillugit.

Qalerallinnik annissuinermi akitsuut, qalerallit suliarineqanngitsut imaluunniit niaqui paperui-luunniit atatiinnarlugit suliarineqarsimasut Kalaallit Nunaanniit annissornejartut amerlassusi (kiilui) malillugit naatsorsorneqassaaq.

Aalisakkat Kalaallit Nunaanni suliarineqarpata, tassa niaquerlugillu paperuernejarlutik, taava annissuinermi akitsuut akilerneqassangilaq.

Akerlianilli aalisakkat Kalaallit Nunaanni, assersuutigalugu avaleraat niaquiluunniit kisiisa peernejarlutik kingorna Kalaallit Nunaanniit anninneqarpata, taava annissuinermi akitsuut si-unnersuutigineqartoq akilerneqassaaq.

Qalerallit tulaanneqartut immannguaannaq suliat suliarineqanngitsulluunniit tamarmik annis-suinermut akitsuuserneqassapput, apeqquaatinagu qalerallit sinerissamut qanittumi aalisar-nermi pisanersut imaluunniit tassaanersut avataasiorluni qaleralinniarnermi pisat ilaat tulaan-neqartussat.

Avataasiorluni qaleralinniarnermi pisarineqartut ilaat tulaanneqartussaanngitsut taamaallaat § 3-mi aalajangersagaq naapertorlugu akitsuuserneqassapput. Marloriaammik akitsuusiisoqan-ginnissaa tassuunakkut siunertarineqarpoq.

Nunanut allanut nioqqutissiortoq, soorlu tunisassiorfik qalerallit tulaanneqartut naammattumik suliarineqanngitsut kingornalu Kalaallit Nunaanniit anninneqartut akitsuutaannik tamati-gut akiliisussaatitaavoq, nunanut allanut nioqqutissiortoq allamik pissuteqartumik pisat akitsuutaannik akiliisussaatitaagaluarpalluunniit.

Nr. 4-mut (§ 2)

Akitsuummik akiliisussaatitaanerup atuutilerfissa aalajangersakkami aalajangersarneqarpoq.

Avataasiorluni qaleralinniarnermi pisarineqartut aamma aalisakkat ikerinnarsiortut ilaasa akit-suutaannut tunngatillugu siunnersuutaavoq piffissap akitsummik akiliisussaatitaalerfissap tassaaginnarnissaa piffissaq pisarineqarfiat.

Qalerallit annissorneqartut akitsuutaannut nutaamut tunngatillugu siunnersuutigineqarpoq akitsummik akiliisussaatitaalerfik qalerallit Kalaallit Nunaanniit anninneqarfianni atuutissa-soq.

Nr. 5-imut (qulequtaq)

Inatsimmi pineqartut aalisakkat ikerinnarsiortut ilaannik Tunumi aalisarnermi pisarineqartunik aammalu qaleralinnik annissuinermik ilaneqarnerisa kingunerisaanik inatsimmi qulequtta-mik allannguineq aalajangersakkap kinguneraa.

Nr. 6-imut (§ 3a)

Siunnersuutaavoq aalisakkat ikerinnarsiortut ilaat Tunumi aalisarnermi pisarineqartut, avale-raasartut akitsuutaata maanna atuuttup saniatigut, isumalluutinik atuinermi akilummik akit-suusersorneqalissasut.

Akitsuutip angissusia allanngorartuuvoq, apeqqutaatillugu aalisakkat angallat Kalaallit Nu-naanni imaluunniit nunani allani, matumani aamma Danmarkimi, Savalimmiunilu angerlarsi-maffeqartutut nalunaarsorneqarsimasoq atorlugu pisarineqarsimanersut. Aalisartut nunatsin-neersut amerliartornissaat pilerinarsarniarlugu aalisakkanut angallatit Kalaallit Nunaanni angerlarsimaffeqartutut nalunaarsorneqarsimasut atorlugit pisarineqartunut akitsuut appasin-nerpaatinneqarpoq.

Umiarsuaq nunani allani, Savalimmiuni Danmarkimiluunniit nalunaarsorneqarsimasoq inutta-qartinnagu, kisiannili angallatip naalagaa maskinmesterialuunniit, imaluunnit taakku marluk pinnagut, umiarsuaatileqatigiiffimmit nunatsinneersumit assartuutissatut atorneqarpat (bare-boat-charter) taanna kalaallit umiarsuaattut matumani isigineqassaaq. Akerlianik umiarsuaq nunani allani, Savalimmiuni Danmarkimiluunniit nalunaarsorneqarsimasoq, umiarsuaq asser-suutigalugu aquttua ilanngullugu umiarsuaatileqatigiiffimmit nunatsinneersumit attartorneqar-pat, umiarsuaq taanna inatsit naapertorlugu kalaallit umiarsuaattut isigineqassangilaq.

Imm. 2-mi aalajangersagaq taamaallaat aktie- imaluunniit anpartsselskabinut atuuppoq, tassa imaappoq selskabinut allanut inunnnulluunniit atuugani. Tassunga atatillugu pingaartinneqar-poq aalajangersakkap selskabinut nalinginnaasumik atugaasunut misilittagaqarfingineqarluar-tunullu atuuttuunissaa.

Nr. 7-imut (qulequtaq)

Inatsimmi pineqartut qaleralinnik immannguaannaq sulianik suliarineqanngitsunillu annissuiner mik ilaneqarnerisa kingunerisaanik inatsimmi qulequttamik ilangussineq aalajangersak-kap kinguneraa.

Nr. 8-mut (§ 3 b)

Siunnersuutaavoq qalerallit immannguaannaq suliat suliarineqanngitsullu annissorneqarnerani kiilumut akitsuutaat 2,00 kr.-inik angissusilerneqassasoq. Akitsuusigassaatitaasut kiiluisa amerlassusii periaatsit, nioqqutissanik annissuinermi nalunaarsuiffit uppernarsaatillu EUR 1-it oqimaassutsinik nalunaarsuiffigineqartarneranni atugaasut assigalugit naatsorsorneqassap-put.


Nr. 9-mut (§ 7)

Siunnersuutip § 7-imut maanna atuuttumut sanilliullugu imaraa Naalakkersuisut qalerallit akitsuutaannik akiliinnginnissamik qinnuteqaammik akuerinnissinnaanerisa annertusineqar-nissaa, tassa aalisakanut inatsimmi pineqartunut allanut aammattaaq atuuttunngorlugu.

Siunnersuutaavoq Naalakkersuisut, misileraalluni aalisarnermut atatillugu akitsuummik tamakiisumik ilaannakuusumilluunniit akiliinnginnissamik akuersisinnaanissaat. Aalajangersagaq assersuutigaluq atorneqarsinnaavoq piniutinik nutaanik allatulluunniit assingusumik inieriartitsissutissatut atugassanik misileraalernermi, kiisalu misileraalluni aalisarnerit im-mikkut ittut taamaaliornissaq pissutissaqartippassuk.

Aalajangersagaq aalisarnerup iluani suliffeqarfinniluunniit ataasiakkaani nalinginnaasumik aningaasarliortoqartillugu akitsuummik akiliinngitsoortitsinissamut tunngavigineqarsinnaan-ningilaq.

Aalajangersagaq taamaallaat Tunumi sumiiffik 1-ip, tassa Tunumi aalisarfiup 62°30'N-ip avannaaniittup, 66°15'N-illu kujataaniittup, kimmullu 37°00'W-mut killeqartup aammalu aa-lisarfiup kangimut killinganut killeqartup avataani ikerinnarsiortunik aalisarnermut atuuppoq.



Nr. 10-mut (§ 8, imm. 1)

Inatsimmik unioqqutitsisoqartillugu pineqaatissiissutit pillugit aalajangersagaq atuuttoq siunnersuutikkut nutarterneqarlunilu allannguinerup kingunerisaanik allannguuteqartinneqarpoq. Tassa imaappoq inatsimmi § 1, imm. 2-mik, § 3, imm. 1-imik, § 3 a, imm. 1-imik aamma § 3 b-mik unioqqutitsinerit akisussaatitsinermik kinguneqarsinnaalissasut.

§ 2-mut

Inatsisartut inatsisaata 1. januar 2016-imi atortuulernissaa siunnersuutaavoq.